

II PROGRAMA DE DEPORTE ADAPTADO-INCLUSIVO DA MANCOMUNIDADE DE CONCELLOS DA COMARCA DE FERROL: BASES DO PROGRAMA E PROCEDEMENTO DE PREMATRÍCULA

A Mancomunidad de Concellos da Comarca de Ferrol desenvolve coa colaboración da Deputación Provincial da Coruña un programa de deporte adaptado-inclusivo destinado a promover a diversidade funcional no deporte. Esta experiencia piloto ocúpase de modalidades deportivas e colectivos concretos, se ben o obxectivo a medio prazo é incorporar progresivamente o amplo abano existente dentro do deporte adaptado. A continuación establécense as condicións de desenvolvemento deste programa e indícase o procedemento de prematrícula.

1. MODALIDADES DEPORTIVAS A IMPARTIR, UBICACIÓN E HORARIOS (PREVISIÓN)

Baloncesto en cadeira de rodas. Pavillón polideportivo do Ensanche, R/ Río Xuvia, s/n, 15403, Ferrol. Xoves de 20:00 a 21:30.

Boccia . No Centro Público Integrado do Feal, R/ Río Seco, s/n, O Feal, 15572, Narón. Venres de 16:30 a 18:00.

Tenis en cadeira de rodas. Pavillón polideportivo de Ares, R/ Celso Emilio Ferreiro, s/n, 15624, Ares. Un día a semana, hora e media.

Baile adaptado. Local Social Sta Icia. Rúa Mercedes Freire, baixo 4, 15570, Narón
Luns, 17:15 a 18:15 horas

A realización das actividades está condicionada á existencia de suficiente demanda en cada unha delas. Os horarios e lugares de impartición definitivos poden variar.

2. PARTICIPANTES:

Os participantes no *II Programa de Deporte adaptado-inclusivo* deberán cumprir os seguintes requisitos:

- ✦ Estar empadroadado nalgún dos municipios que conforman a Mancomunidad (Ares, Cabanas, Cedeira, Fene, Ferrol, Mugardos, Narón, Neda e Valdoviño).
- ✦ Ser maior de 9 anos no momento de formalizar a matrícula.

As prazas dispoñibles outorgaranse preferentemente ás persoas con necesidades de adaptación deportiva, se ben as actividades encóntranse abertas a todas as persoas interesadas no deporte adaptado á diversidade funcional. O tenis en cadeira de rodas e o baloncesto en cadeira de rodas son deportes adaptados a persoas con mobilidade reducida nos seus membros inferiores. A boccia ofrece adaptación deportiva a persoas afectadas por parálises ou lesións cerebrais, entre outras situacións. O baile adaptado é unha actividade adaptada a múltiples situacións de diversidade funcional.

No caso de que queden prazas vacantes, estas poderán ser ocupadas por persoas empadroadas noutros municipios que non pertencen a Mancomunidad, sen poder ser beneficiarios do transporte adaptado.

A participación no programa é GRATUITA. Non obstante, a non asistencia inxustificada e reiterada ás actividades e/ou o comportamento incorrecto nas mesmas poderá ser motivo de expulsión e valorarase negativamente en futuras edicións do programa.

Naquelas actividades que requiran licenza federativa, o participante deberá posuíla antes do seu inicio. A estes efectos, daranse facilidades a aquelas persoas que non teñan licenza no momento da inscrición para a súa tramitación coa maior axilidade

As persoas que participen na modalidade de tenis en cadeira de rodas deberán levar a súa raqueta de tenis. Nas modalidades de boccia e baloncesto en cadeira de rodas o programa pon a disposición dos usuarios o material necesario.

É obrigatorio acudir ao programa con vestimenta deportiva e cómoda para a práctica do deporte.

3. TRANSPORTE ADAPTADO

Dentro do II programa de *Deporte adaptado-inclusivo*, ponse a disposición dos usuarios que o precisen un servizo gratuíto de transporte adaptado.

O transporte recolleraos no puntos de encontro que se acorden, levaraos á actividade e unha vez remate transportaraos ao punto de partida. Existirá polo menos un punto de encontro por concello, a determinar no momento da realización da matrícula.

Os usuarios que por circunstancias especiais non poidan acudir de forma ordinaria ao punto de encontro e necesiten ser recollidos e devoltos na porta do seu domicilio, deberán indicalo no momento da prematrícula ou ben antes da formalización da matrícula, para que o seu caso poida ser estudado.

Os usuarios do transporte adaptado deberán avisar ao coordinador con 48 horas de antelación se non van precisar ese día o transporte. No caso inxustificado de non comunicalo poderán ser expulsados do programa.

4. PREMATRÍCULA E MATRÍCULA:

A prematricula realizarase a través do formulario dispoñible na web www.comarcaferrolterra.es .

As prazas ofertada no programa *Deporte adaptado-inclusivo* son as seguintes:

- Baloncesto en cadeira de rodas: 8
- Boccia: 12
- Tenis en cadeira de rodas: 8
- Baile adaptado: 12

As prazas serán cubertas por rigoroso orde de entrada das solicitudes de prematrícula, tendo en conta as necesidades de adaptación dos usuarios e o orde de preferencia indicado na solicitude.

O PRAZO DE PREMATRÍCULA SERÁ DO 14 DE XANEIRO AO 7 DE FEBREIRO DE 2014

Concluído o proceso de prematrícula, os usuarios aceptados serán informados para que procedan á realización da matrícula mediante a presentación, no prazo de 10 días hábiles, da seguinte

documentación:

- Impreso de matrícula
- Autorización para a cesión de datos de carácter persoal
- Fotocopia do D.N.I.
- Licencia federativa ou documento que acredite o inicio da súa tramitación, se procede.

Se no prazo sinalado non se entrega a documentación entenderase que a persoa non está interesada en participar no programa e disporase da súa praza para outro solicitante.

Para máis información:

Mancomunidade de Concellos da Comarca de Ferrol
Pazo Municipal de Ferrol 2º andar
Praza de Armas s/n, 15402 Ferrol
web: www.comarcaferrolterra.es
Tif.: 981944000 ext. 378
e-mail: lalcala@ferrol.es